

մուտք ենթադրուած է մօտ $1\frac{1}{4}$ միլիօն, որ չի բաւականանում ընդհանուր ծախքը ծածկելուց յետոյ ընթացիկ պարտքերն էլ տալու համար, այդպիսով պարտքերի մի մասը (չուրջ հարիւր հազար) պիտի նորոգուի: Ծախքի յօդուածներէց աւելորդ չի արձանագրել հետեւեալները. բժշկական օգնութեան վրայ—երեք հարիւր հազարից աւելի, ուսումնարանների վրայ—մօտ յիսուն հազար, և ճանապարհների պահպանութեան վրայ—մօտ հարիւր յիսուն հազար:

Ի.

Հ Ր Ա Հ Ա Ն Գ Ն Ե Ր

ՊՈՆԱՊԱՆՆԵՐԻ ԸՆԴՀԱՆՈՒՐ ՎԱՐՏԱՈՐՈՒՅԻՆՆԵՐԻ ՄԱՍԻՆ *):

Յօդ. 1. Դռնապանները և շվէյցարները տներում, հիւրանոցներում և կահաւորուած սենեակներում պարտաւոր են կատարեալ աջակցութիւն ցոյց տալ անշարժ կալուածքների տէրերին և ոստիկանութեանը հասարակական հանգստութիւնը, կարգը, բարեկարգութիւնը, նոյնպէս և ընակիչների անձնական ու գոյքի ապահովութիւնը պաշտպանելու գործում, և այդ պատճառով նրանց վրայ պարտաւորութիւն է դրուած հսկել:

Կ. 1. Որպէս զի իւրաքանչիւր եկողի և գնացողի մասին հաղորդուեն տեղեկութիւններ, նահանգապետի կողմից տրուած առանձին ըլանկների վրայ, տեղական թաղական ոստիկանական վարչութիւններին, այնպէս որ հիւրանոցները և կահաւորուած սենեակները եկողների և գնացողների մասին տեղեկութիւնները պէտք է հաղորդուեն ոստիկանութեանը 12 ժամուայ ընթացքում, իսկ տները—24 ժամուայ զալու կամ գնալու րօպէից:

*) Այդ պարտաւորիչ որոշումների 6-դ յօդուածի համաձայն, այն անձինք, որոնց այդ վերաբերում է, այդ որոշումները խախտելու դէպքում, ենթարկուած են, վարչական կարգով, պետական կարգը պաշտպանելու միջոցների վերաբերեալ կանոնադրութեան 15-դ և 16-դ յօդուածների համաձայն, 500 ա. տուգանքի, կամ երեք ամսուայ բանտարկութեան: Այսպիսի պատիժներին ենթարկելու համար, սահմակայքած հրկողութեան 16-դ յօդուածի 1-ին կէտի համաձայն, լիազօրութիւն ունի Բիֆլիի նահանգապետը:

Կ. 2. Որպէս զի հիւրանոցներում, կահաւորուած սենեակներում և տներում ամենայն ճշտապահութեամբ պահուեն նահանգապետի որոշած դրօքերը՝ բնակողներին ազգանունները գրելու համար:

Կ. 3. Որպէս զի անյապաղ տեղեկութիւն տրուի տեղական թաղահայն վարչութիւններին.

ա) Բոլոր արտակարգ դէպքերի մասին.

բ) Կասկածելի ժողովների մասին տներում.

գ) Մարդկանց և անասունների մէջ վարակիչ հիւանդութիւններ երևալու մասին.

դ) Մեռածների մասին.

ե) Աղմուկների, կռիւների և հասարակական հանգստութիւնը խախտելու մասին.

զ) Տներում ապրող բոլոր անառակ կանանց մասին.

Կ. 4. Որպէս զի տներում և ուրիշ տեղերում չը վրնեն գաղտնի տպարաններ, պայթուցիկ նիւթեր և հակակառավարչական հրատարակութիւնների պահեստներ չը պահուեն.

Կ. 5. Որպէս զի ոչինչ հողային աշխատանքներ չը կատարուեն տներում, առանց ոստիկանութեան գիտութեան.

Կ. 6. Որպէս զի տների առաջ գտնուող բակերի և փողոցների սրբելը, Թիֆլիսի քաղաքային դումայի պարտաւորիչ որոշումների համաձայն, աւարտուի մինչև առաւօտեան 8 ժամը, և յետոյ այդ մաքրութիւնը պահպանուի ամբողջ օրը:

Կ. 7. Որպէս զի ամբողջ հաւաքուած աղբը, համաձայն Թիֆլիսի քաղաքային դումայի պարտաւորիչ որոշումների, մինչև աղբակոյտերում ածելը, պահուի դրա համար իւրաքանչիւր բաւում շինուած պինդ կողպած և փակ արկղներում.

Կ. 8. Որպէս զի աղբի արկղները և արտաքնոցները, համաձայն Թիֆլիսի քաղաքի պարտաւորիչ որոշումների, չը լցուեն և իր ժամանակին մաքրուեն ու դեղինֆէկցիայի ենթարկուեն:

Կ. 9. Որպէս զի ձմեռը, փողոցները սառչելու ժամանակ, Թիֆլիսի քաղաքային դումայի պարտաւորիչ որոշումների համաձայն, տրոտուարները աւազով ծածկուեն, կամ ծեծած աղիւսով, կամ մոխրով:

Կ. 10). Որպէս զի հրդեհների առաջն առնելու նպատակով, Թիֆլիսի քաղաքային դումայի պարտաւորիչ որոշումներին համաձայն, իր ժամանակին մաքրուեն ծխնելոյզները, խարոյկներ չը վառուեն բակերում և փողոցներում և այլն:

Յօդ. 2). Դռնապանները պարտաւոր են անձամբ ճանաչել տան բոլոր կեցողներին և նրանց ծառաներին և խիստ հեռուէն, որպէս զի տան մէջ ապրող տան տանտէրերի ազգանուն-

ները, ուր կան երկուսից աւելի բնակարաններ, գրուած լինեն առանձին տախտակների վրայ, որոնք պէտք է կախուած լինեն դռների տակ կամ նախագաւթներում:

Յօդ. 3) Դռնապանները պարտաւոր են զուրս զալ փողոցը հէնց որ զանգակի ձայն լսուի, ոստիկանութեան աջակցութիւն ցոյց տալու համար, և այդ պատճառով տանտէրերը պարտաւոր են շինել և կատարեալ կանոնաւորութեամբ պահել զանգակը, որ տանում է դէպի դռնապանի սենյակը դռներից, «ДВОРНИКУ» մակագրութեամբ:

Յօդ. 4) Տների և անշարժ կալուածքների տէրերը, թէ մասնաւոր, թէ արքունական և հասարակական, ամեն օր հերթապահութեան համար նշանակում են փողոցներում դռնապաններին:

Մ ան օթ ու թ իւ ն 1. Դռնապանների հերթապահութիւնը նշանակում է ցերեկով և գիշերով, յայտնի հերթապահութիւն պահպանելով դռնապանների մէջ, պօլիցիյմէյստերի առանձին կարգադրութեամբ, որ յայտնում է թաղական ոստիկանական վարչութեան միջոցով, սակայն այնպիսի հաշուով, որպէս զի բնդհանրապէս իւրաքանչիւր դռնապանի վրայ օր ու գիշերուայ մէջ ընկնի հերթապահութիւն ոչ աւելի քան 4 ժամ փողոցում:

Յօդ. 5. Դռնապաններին, հերթապահութեան մէջ գտնուելու ժամանակ, տանտէրերը չը պէտք է ոչ մէկ յանձնարարութիւն տան և հերթապահութիւնից հանեն. դռնապանները չը պէտք է քնեն և պառկեն:

Յօդ. 6. Հերթապահ դռնապանները պէտք է դռնուեն տներից դուրս, և չը պէտք է մտնեն դռների տակ, և ոչ էլ տների ներսը:

Յօդ. 7. Հերթապահ դռնապանները պարտաւոր են օրինական աջակցութիւն ցոյց տալ այն բոլոր մասնաւոր անձանց, որոնք դիմում են նրանց օգնութեանը, և պարտաւոր են անպայման կատարել ոստիկանութեան բոլոր օրինական պահանջները և նրան կատարեալ աջակցութիւն յոյց տալ, երբ նա կատարում է իր պարտաւորութիւնները, մանաւանդ այն անձանց բռնելու ժամանակ, որոնք կամենում են փախչել ոստիկանութեան ձեռքից և նրան դիմադրութիւն են ցոյց տալիս:

Յօդ. 8. Հերթապահ լինելու ժամանակ, դռնապանները պարտաւոր են.

Կ. 1. Հետեւել, որպէս զի որեւէ տեղ պատերին կպցրուած չը լինեն յայտարարութիւններ, աֆիշաներ և այլն, առանց ոստիկանութեան թոյլտուութեան:

Կ. 2. Աչալուրջ պաշտպանել տները հրդեհներից:

Կ. 3. Հետևել, որպէս զի դռները և մուտքերը, սկսած գիշերուայ 11 ժամից մինչև լուսաբացը, փակուած լինեն կողպէքով:

Կ. 4. Բռնել և յանձնել ոստիկանութեանը այնպիսի անձանց, որոնք նկատուած են որևէ յանցանք գործելու մէջ—սպանութիւնների, վերքեր հասցնելու, կողոպտումների, մուրացկանութեան և այլն:

Կ. 5. Հետևել փողոցում տեղի ունեցող ամեն մի դէպքին, տները մտնողներին և այնտեղից դուրս եկողներին եւ, մանաւանդ, կասկածելի անձանց և տներից կապոցներով ու իրերով դուրս եկողներին:

Կ. 6. Հետևել, որպէս զի տներում կասկածելի մարդկանց ժողովներ չը լինեն, և այդպիսի բոլոր ժողովների մասին անյապաղ իմաց տալ տեղական պրիստաւին:

Յօդ. 9. Հերթապահ եղած ժամանակ, դռնապանները պարտաւոր են ունենալ թելից կախած, հագուստի վրայ, թիթեղեայ նշանակ «ДВОРНИКЪ» վերնագրով, նամերով (համարով), նոյնպէս և ոստիկանական սուլոց: